

**Salmonan 91:14-16** ta bisa:

"Pasobra el a stima **Mi**, pes-ei lo **Mi** libré; lo **Mi** protegé, pasobra e konosé **Mi** nòmber. E lo sklama na **Mi**, i **Ami** lo kontesté; lo **Mi** ta kuné den **problema**; lo **Mi** reskaté i honré. Ku bida largu lo **Mi** satisfasé, i laga e mira **Mi** salbashon."

E fin di un **problema** semper ta **bon** den mente di **Dios Tata, Dios di Israel**. Si **problema** faya den su mishon, ta sea dor di **tiki orashon** òf **poko fe** òf **turdos**.

E **bon** òf e **malu** di un **problema** semper ta wòrdu determiná dor di e **spiritu** den kual e ta wòrdu **risibí** i **trata**.

**Problema** porta un **bendishon** òf un **maldishon**, pero esaki ta dependé riba kon e **problema** ta wòrdu **risibí** i **trata** dor di nos.

Sea e **problema** ta hasi bo **kurason moli** òf **duru** pa **Dios**.  
Sea e **problema** ta hala bo **serka di Dios** òf e ta **manda bo leu for di Dios**.  
Sea e **problema** ta kita bo **orguyo** òf e ta hasi bo mas **orguyoso**.  
Sea e **problema** ta kambia bo òf **abo ta wòrdu** kambia dor di e **problema**.  
Sea e **problema** ta kibra bo **relashon** òf e ta hasi esaki mas **fuerte**.

Meskos ku un mucha ta puntra **di-kon? i di-kon?** Abo tambe por puntra **Dios Tata di-kon**.

Tur **problema** tin un propósito den bo bida riba e mundu aki. Solamente **Dios Tata** sa **di-kon**.

**Señor Dios**, por fabor duna mi un **spiritu positivo** pa asina mi por mira e fin di mi **problema** nan komo algu **bon**. Mi kièr pa mi **problema** nan ta un **bendishon** i no un **maldishon**. Esaki mi ta pidi den nòmber di **Kristu, Yeshua Hamashiach, (Hesus Mesias)**.

27 Mei 2016

Sea Bendishoná den e Amor di Yeshua Mesias

Rev. Remsly L Riley